

KOMUNIKADO



5 di febrüari 2010

Kamber di snoezel nobo pa klientenan di SGR-Groep

Drentando djabièrnè 5 di febrüari, klientenan di Stichting voor Gehandicapten- en Revalidatiezorg (SGR-Groep) ku un limitashon mental òf físiko por hasi uso di un bunita fasilidat nobo na Emmastad. Ku donashon di de Sensory Shop en koperashon ku CURE-AID a drecha i ekipá un kamber di snoezel nobo den sentro di dagbesteding Stanley Inderson. Djabièrnè 5 di febrüari a efektuá apertura ofishal , den presensia di representante di de SGR-Groep, Sensory Shop i CURE-AID.

De Sensory Shop (bendedó di artíkulo pa kamber di snoezel) via mediashon di fundashon CURE-AID, a regalá tur artíkulo nesesario pa e kamber di snoezel nobo. Fundashon CURE-AID tin komo meta pa duna sosten na hendenan sosialmente suak Na Antia Hulandes, inkluyendo personanan ku un limitashon mental. Den promé siman di febrüari dos speshalista di de Sensory Shop a drecha e kamber i a instalá e produktonan . Tambe tabatin un kantidat di produkto ku kua a krea huki pa snoezel na e sentronan di aktividat “De Dolfijntjes” i “Purunchi”.

E aktividat yamá ‘Snoezelen’ ta un parti esensial di tratamentu di kliente ku ta funshoná, mará na un nivel físiko. E palabra “snoezelen” ta un kombinashon di e palabra “snuffelen” (experiensha basal di lus, sonido, holó, smak i tur kos ku por sinti) i “doezelen” (entrega na un sentimentu dushi di sosiegu i relahamentu). E aktividat di snoezelen su meta ta, pa ekstendé eksperiensha di e kliente di un manera relahá. Kosnan karakterístiko di un kamber di snoezel ta lus i muzik suave i holó dushi i suave di flor, wierook, fruta òf perfume. Den e kamber di snoezel klientenan por sosegá kompletamente, miéntras ku nan sentidonan ta wòrdu stimulá.

Den e kamber di snoezel nobo tambe tin vários materialnan ku ta usa pa stimulá sentido, manera tubu di lus, awa i aire, un proyektor di lus ku ta krea efekto visual manera di lava, un bòrchi di wega mobil ku tur sorto di opheto i un bòl mágiko, ku ta kambia di kolo ora bo mishi kuné.

FIN DI NOTISIA

Pa mas informashon (NO pa publikashon)

Pa mas informashon por tuma kontakto ku Minouche Nicolas, sectormanager Dagbesteding, telefon 736 7600, e-mail Minouche_nicolas@srggroep.org